

حضرت عیسیٰ نین (ع) معجزه‌لی ولادت

حضرت عیسیٰ بن مریم (ع) بؤیوک الهی پیغمبر دسامبرین 25-ده بیرینجی میلادی ایلینده 621 ایل پیغمبرین هجرتیندن اۆل، فلسطینین بیت لحمینده دنیاا گلدی.

حضرت عیسیٰ بن مریم (ع) بؤیوک الهی پیغمبر دسامبرین 25-ده بیرینجی میلادی ایلینده 621 ایل پیغمبرین هجرتیندن اۆل، فلسطینین بیت لحمینده دنیاا گلدی.

البته مسیحی‌لر او حضرتین پیغمبر یوخ بلکه -نعوذ بالله- الله-ین انسان تجسومو اولدوغونا اینانیرلار.

آناسی عمرانین قیزی حضرت مریم (س) شرافتلی خانیملاردان و بنی اسرائیلین یوخاری شخصیتلریندن ایدی. مریمین آناسی حضرت سلیمان (ع) نسلیندن اولان عمران، بنی اسرائیلین بؤیوک و تقوالی عالمردنیدی. عیسی پیغمبر معجزه‌لی شکله باکره آنادان دنیایه گلیب بئشیکده دانیشماغا باشلاییب پیغمبرلیق بشارتینی وئردی.

حضرت مریم (س) حضرت عیسیٰ نین (ع) کرامتلی آناسی، تاریخین فضیلتلی شخصیتلریندنیر کی قرآن کریم‌ده 12 سوره و 34 آیه‌ده اونلاردان آد آپاریب. قرآندا خانملار ایچینده لاپ چوخ او حضرتین آدی چیکلیب.

قرآن کریمین آل عمران سوره‌سی‌نین 45-جی آیه‌سینده اوخوروق: «إِذْ قَالَتِ الْمَلَائِكَةُ يَا مَرْيَمُ إِنَّ اللَّهَ بِبَشِيرِكِ يَكْلِمُ مِنْهُ اسْمُهُ الْمَسِيحُ عِيسَى ابْنُ مَرْيَمَ وَجِيهًا فِي الدُّنْيَا وَالْآخِرَةِ وَ مِنَ الْمُقَرَّبِينَ» اوندکی ملکلر دندیلر: ای مریم! الله سنه اؤز طرفیندن بیر کلمه‌یه بشارت وئریر، اونون آدی مسیح، عیسی بن مریم‌دیر، او دنیا و آخرتده وجه‌لی انسان و الله-ا یاخین اولاجاق.

او حضرت آناسی‌نی قیمومتی آلتیندا بؤیویوب 12 یاشیندا عالمرین جمعینده مباحثه‌یه باشلادی.

او حضرت 30 یاشیندا پیغمبرلیغا مبعوث اولدو. حضرت عیسیٰ نین (ع) تبلیغی اثرینده جماعت دسته-دسته اونا ایمان گتیریردیلر. بو اوزدن یهودی بؤیوک‌لری اونو اۆلدورمک فکرینه دوشدولر. اونلار او حضرتی اۆلدورمک ایسته‌ینده الله او حضرتی گۆیلره آپاردی و یهودیلر عیسی‌یا اوخشایان بیر نفری صلیبه چکدیلر.

حضرت عیسیٰ نین علاج‌سیز ناخوشلاری علاج انله‌ماق کیمی معجزه‌لری واریدی و انجیل کتابی اونا نازل اولدو. همیشه سفرده اولدوغو اوچون ائولننمه‌دی و سوبای قالماغا مجبور قالدی.

قرآن کریم نساء سوره‌سی‌نین 157-جی آیه‌سینده بویورور: «... و ما قتلوه و ما صلیوه و لکن شیء لهم» [عیسی‌نی]نه اۆلدوردولر و نه صلیبه چکدیلر، اما ایش اولارا مشتبه اولدو.

بنله‌لیغینان عیسی 33 ایل عمر انله‌دی. یهودیلر اونو اۆلدورماق اوچون توتدولار. الله اونو اونلارین الیندن قورتاریب گۆیه آپاردی. اما اونون صلیبه چکیلیب اۆلدورولمه‌سی یاییلدی. انله ایندی‌ده صلیب علامتی او حضرتین شهید اولماسی گمانی اینن مقدس ساییلیر.

اسلامی و شیعه روایتلره اساساً حضرت عیسی (ع) امام زمان آغانین (عج) ظهورو زمانی قاییداجاق و او حضرتین دالیسیندا نماز قیلاجاق.

بحار الانوار 14 و 18-جی جلدلری

لینک مطلب در سایت : <http://torki.tebyan-tabriz.ir/?MID=21&Type=News&id=755>